

影印

文淵閣四庫全書

第八八四冊

北京出版集團公司
北京出版社

本冊目次

欽定四庫全書

元明事類鈔

清 姚之駟撰……………一

欽定四庫全書

子部
元明事類鈔卷二

詳校官監察御史臣龔發

負外郎臣牛稔文履勘

總校官知縣臣繆琪

校對官助教臣羅萬選
膳錄監生臣朱上林

欽定四庫全書

元明事類鈔

提要

臣等謹案元明事類鈔四十卷

國朝姚之駟撰之駟有後漢書補逸已著錄是編蓋摘取元明諸書分門隸載亦江少虞事實類苑之流而核其條目則實類書也其所纂述大抵典則可觀如元代故實載于說部

欽定四庫全書

元明事類鈔
提要

者最少是書誌疆域則引劉郁西使記以証拓境之遠誌任官則引經世大典以証銓法之密皆足補元史各志之闕又如引詩會小傳以誌馬祖常之耿直引名臣言行錄以誌霍肅之公正亦足裨元史列傳所未備至記宮殿一門雜取元掖庭記元人詩集搜羅頗博更可與析津志諸書相參唯記奎章閣而不知崇文閣之更重記只遜引長安客話謂

上直之衣不知即輿服志之質孫按只遜質

之訛元史國語解已經考定今以辨其駁文是以各書其舊字以見異同并五之所由

自天子至衛士皆有之乃前後互引失于考

証未免稍有疎畧至明代說部浩如烟海所

采亦未為詳賅然萬歷以後門戶交爭恩怨

糾纏餘波及於翰墨凡所記錄多不足憑之

嗣或病其冗濫而矜慎取之歟是亦不失闕

疑之義也乾隆四十六年十月恭校上

欽定四庫全書

元明事類鈔

總纂官臣紀昀臣陸錫熊臣孫士毅

總校官臣陸費墀

欽定四庫全書

元明事類鈔卷一

監察御史姚之駟撰

天文門

天

除天開宇元史禮樂志除天開宇亘海為家

天開眼元姚桐壽樂郊私語已亥秋月晦余曉詣嘉禾忽西北天開數百丈光融如猛火照野宿鳥皆鳴

欽定四庫全書

元明事類鈔

視開處蠕蠕而動中復極明若金融冶少頃皆合舟

人謂余曰此天開眼也

司天臺 玉堂綱鑑至元中建司天臺於大都太史令

王恂等請建儀象圭表以銅為之

西域儀象 元史世祖時扎瑪里鼎造西域儀象明

宋濂集元時西域有扎瑪里鼎者獻萬年歷其測

候之法但用十二宮而分三百六十度若不聞二十

八宿次舍之說及推日月之食頗與中國合

高表 元葉世奇草木子前代立八尺之表以量日影則晷影短而尺寸易差元立四丈之表於二丈折中開竅以量日影故影長而尺寸無毫杪之失元楊桓高表銘惟昔八尺景促分密為用雖可每艱辨析聖皇御極百度維新乃五其昔其用益神

簡儀 明陳邦瞻元紀事本末元興以儀象之器規環不協太史郭守敬出其所創簡儀仰儀及諸儀表皆臻精妙古人未及元姚燧簡儀銘四儀兩軸二極是

欽定四庫全書

元明事類鈔

二

當南軸攸咎下乃天常維北欽傾取軸榘應鏤以百刻及時初正

二線 元史郭守敬謂昔人以管窺天度宿餘分未得其的乃用二線推測於餘分纖微皆有可考

立里差 元史耶律楚材以西域與中國地里相去之遠近立為里差以增損之雖東西萬里不復差忒名

曰西征庚午元歷

鳴如萬鼓 明鍾惺明紀編年宣宗親征高煦初發時

東南天鳴聲如萬鼓六師所至罪人斯得

天門開 西樵野記天順間臨洮府蘭縣民陳鸞夜半獨起仰見天門大開上帝袞冕衣袍端拱其中儀從鵠立者甚眾宮殿闌楯眩彩奪目

一竅空明 明徐應秋談薈真臘國抵占城旁有西棚國望見天一竅空明稱天門一日天際國女媧氏所不至也

天鳴如鐸 明許重熙五朝注畧萬歷時應天府天鳴

欽定四庫全書

元明事類鈔

三

聲如搥鐸旬餘乃止

黃道可見 明何孟春集天之黃道可見處暑後秋分前晴朗日沒時於高處向南視之若虹霓斜界雲氣皆不敢入者是也

欽天監 本朝谷霖蒼明紀事本末洪武三年改司天監為欽天監設監官其習業者分四科曰天文曰漏刻曰大統歷曰回回歷

經緯雲柱 明費宏集觀象臺渾儀黃赤二道交於奎

軫與今之四正戾其陽經南北軸不合兩極出入之度陰緯東西窺管人不與太陽出沒相當掌監事吳君昊奏之鑄為新儀更二道環交於壁軫其經緯雲柱自是皆與天合

木代機衡 部學詞林周文安手置璿璣玉衡圖以木代之規製極巧廖道南曰予夙侍帝座乃見洪謨所著璿璣圖者張平子之靈憲郭守敬之簡儀先後若符也

欽定四庫全書

元明事類鈔

四

測儀六式 明紀事本末西儒羅雅谷湯若望在歷局造測儀六式一曰象限懸儀二曰平面懸儀三曰象限立運儀四曰象限座正儀五曰象限大儀六曰三直將儀復有弩儀弧矢儀紀限儀諸器甚多

更定歲差 五朝紀畧嘉靖時光祿少卿華相言堯時冬至初昏昴中日在虛七度今冬至初昏室中日在箕六度末四千年而差五十度矣至元辛巳改厯至今歲差一分五十秒今差三度六十四分五十秒矣

至元距洪武甲子僅一百四年今則二百四十三年矣宜詳定歲差以成一代之制

繪天 姚燧集聖人之道天也善言者繪工也山水鳥獸草木之為物或可圖而肖之以語繪天設色而得其髣髴萬一者古今人無能為也

丹霞天 元揭傒斯麻姑壇詩嵯峨仙都觀遙望丹霞天

碧瑤天 元張昱詩爰指清泠橋下水此中原是碧瑤

欽定四庫全書

元明事類鈔

五

天

天地若甕 明劉基詩天地若大甕萬物生其腹人猶腹中蟲蠢蠢隨化育錯攻無時休臟腑為翻覆帝青調元氣豈不畏戎毒嗚然命條蕩汗下兼湧衄

日

暫沒即出 元史欽察國去中國三萬餘里夏夜極短日暫沒即出

兩圓影 樂郊私語至正丙申三月日晡有兩日相盪

窓隙壁竇皆成兩圓影

中景 元史舊法以表端測晷所得者日體上邊之景
今以橫梁取之實得中景不容有毫末之差

聲若雷霆 元史沙弼茶國係日西沒之地至晚日入
聲若雷霆國王每於城上聚千人吹角鳴鑼擊鼓混
雜日聲不然則小兒驚死

如蓋如吞 五朝紀畧萬曆中禮科周朝瑞奏時當向
午而日光不射目日上恍有一物可比日大混沌無

欽定四庫全書

元明事類彙編

六

光伏歷日上非烟非霧如蓋如吞

日珥 明王醅集日珥悲時事也莊烈帝某歲仲春五

日日生交暈如連環左右生戟氣青赤色白虹彌天

因作短歌

平行實行 明紀事本末督修歷法李天經疏言太陽

有平行有實行平則每日約行若干而實行則有多有

寡不獨秋分為然

起復弗合 明通紀正德十三年五月朔日食起復弗

合日官周濂請驗交食以更歷元

日不入地 元邱處機集輕清上浮為天重濁下凝為
地三光輕清悉止於天如何下沉蓋天下日月無出
沒人間常有出沒而強稱日入地中有何意義明夷
之解特假象明理耳

地體掩日 明鄭善夫經世要談聞西域人算日月食
者謂日月與地同大若地體正掩日輪上則月為之
食傳注家謂月食為暗虛所射者予未敢信

欽定四庫全書

元明事類彙編

七

古日舒長 歷代小史郭守敬常言古日舒長今日暫
促此義在度數之外不可以語泥者每百年短一分
也

磐陀觀日 元吳萊海東洲磐陀石上觀日賦粵東遊

於海徼兮得偉觀於陽阿登盤陀之疊石兮路隈索
以魏我天鷄號而夜半兮瞰欲出乎重波恍元幕之
沉黑兮惚火輪之盪摩

日月籠 元楊維禎詩書賦囚人日月籠明楊慎詩烏

蟾日月籠

綠陰鏤日 元宋无詩綠陰鏤日新歡夏紅雨鏤花故

惱春

月

夜無光 談薈元至正七年正月既望月夜出無光

命咏新月 明通紀懿文太子與太孫侍太祖命咏新

月懿文詩曰昨夜嚴陵失釣鈎何人移上碧雲頭雖

然未得團圓相也有清光遍九州太孫詩曰誰將玉

欽定四庫全書

元明事類鈔

八

指甲搗破碧天痕影落江湖裏蛟龍不敢吞太祖覽

之不悅

人八月中 明馮夢禎漫錄虞長孺祖母秋夜坐庭中

見有三人挨月而過異之急呼人同觀觀者出遲僅

見其二須臾俱入月中

漸過而東 明雜記太祖云二十八宿經星也附天體

而不動日月五星緯乎天者也嘗於天氣清爽之夜

指一宿為主太陰居是宿之西相去大許盡一夜則

太陰漸過而東矣以此斷為天左旋日月五星右旋

望後西闕 玉堂漫錄新月之闕向東殘月之闕向西

此謂映日可也惟望後月闕亦向西似與映日之說

稍異

進退 明李夢陽空同子夏之初月高其圓也低冬之

初月低其圓也高進退之義也

瑞雲承月 明夏言瑞雲承月賦序嘉靖己亥八月上

南郊駕還時漏下四十刻仰見月生圓暈五采旋繞

欽定四庫全書

元明事類鈔

九

祥光絢發澹素雲承之移時乃散明日降手札示臣

月如佳士 元袁桶立春舟中見新月詩云春月如佳

士翩翩欲上船相逢疑昨日一別又新年

月瘦 元劉因詩蒼月瘦黑風酸枯梢老竅號空山

呼酒客 楊維禎詩仰唾天上蛛誓作酒中魄勸君飲

此酒呼月為酒客

釣月 元柯九思題釣月軒詩凭欄看月出倚釣待雲

生

延月 元許謙延月樓詩主人欲擅四時秋夜夜掀簾
為延待

劃釵記痕 元孫氏蕙蘭詩隔窓久坐憐清影閒劃金

釵記月痕

月有痕 明王禕詩春來天上渾無迹月到花間似有

痕

看月生 存齋詩話晚涼浴罷閒無事水閣東頭看月

生此吳主一平生得意之句

欽定四庫全書

元明事類鈔
卷一

月可呼 明僧梵琦詩船上見月如可呼愛之且復留

斯須

星

榮星 元史命回回司天監榮星

天狗墮地 元史紀要順帝丙戌司天監奏天狗星墮

地血食人間五千日始於楚徧及齊趙終於吳其光

不及兩廣

星隕如箕 續資治通鑑元世祖十五年有星隕於廣

南色紅大如箕中裂為五墜地時聲如鼓焉

南望北斗 明紀事本末成祖親征阿魯台次長清塞

地極北夜望北斗已在南矣明王世禎憶昔詩天門

直向陰山闕北斗翻從南極懸

景星頌 明紀事本末宣德八年景星見天門少傅楊

士奇進頌

五星素度 明通紀洪武九年欽天監奏五星素度日

月相刑下詔求言而平遥訓導葉居升以直言死獄

欽定四庫全書

元明事類鈔
卷一

中

五星聚室 五朝注畧嘉靖三年正月丙子五星聚營

室辛巳五星皆伏太白先過壁

夜望三台 明泳化類編萬安罷相在道猶夜望三台

星冀復進用尋卒

星八月中 明紀事本末莊烈帝十七年正月星八月

中

壽星見 明余繼登典故紀聞永樂十五年壽星見羣

臣請賀上曰四方旱勞蝗疫比比有之鮮為朕言者此何足賀

長庚四角 明鄒漪明季遺聞福王稱制江南災異叠見東方長庚星光芒閃爍有四角或五角中有刀劍旗幟馬影似關關象

紅頭白尾 明謝在杭塵餘萬厯壬寅八月福建地見一長星頭大紅色尾尖白色霹靂一聲裂開中紅外白蠕蠕而動

欽定四庫全書

元明事類抄

十三

星道 本朝王鴻緒明史藁日行黃道月行九道古來無所謂星道者山陰周述學推究五緯之行為星道五圖於是七曜皆有道可求

星輪 西洋歷書五星之天各有小輪原俱平行特為小輪旋轉於大輪之上下故人從地面測之覺有順逆遲速之異

星數 明陳繼儒集三垣二十八宿中外宮計二百八十三座一千五百六十五星

斗柄插水 明高啟時開蓬望天邊斗柄插水低

雲

白雲庇墓 元史趙榮至孝葬之日白雲庇墓前後十五里葬畢而散

彩雲如蓋 典故紀聞太祖攻婺城有五色雲見城西駐蹕地氤氲如蓋

西北異雲 明王世禎史傳劉基嘗遊西湖有異雲起西北光射湖水客以為慶雲將賦詩基大言曰此天

欽定四庫全書

元明事類抄

十三

子氣也在金陵十年後英主出其下非我誰名世者囊雲 明寧獻王囊雲詩蒸入琴書潤粘來几榻寒小齋非嶺上宏景坐相看注牖仙每月令人往匡廬最高處囊雲以歸構雲齋障以簾幙放雲一囊四壁氤氲如身在岩洞

黑雲如織 經濟錄英宗至大同暮有黑雲如織罩營雷雨大作衆皆危之已而有土木之難

青雲隨渡 明解縉集高皇渡江青雲隨之親征婺州

五色雲覆軍上下

雲中盡舫 獮園雜記隆萬間虞山採石者見雲一片自西南隅至鼓樂駭空有畫舫數隻蕩漾雲端仙妹靚粧列坐珠簾下江濤之聲渺在雲漢

雲開 談薈正德時江西有黑雲紅雲若相關者久之分為兩城人馬洶洶明年寧藩叛

雲如車蓋 明何喬遠名山藏孝宗冊立為太子時詔至南京瑞雲見孝陵如車蓋

欽定四庫全書

元明事類抄

十四

雲占賊兵 劉基行狀都督馮勝攻某城上使公授之方畧公以一赫號封曰夜半出兵至某所見某方青雲起即設伏頃有黑雲起者賊伏也勿輕動日昃而黑雲漸薄回與青雲接者賊歸也急擊勿失已而具如基言

玉局雲 楊慎集點蒼山之麓有玉局觀焉四時有雲氣於夏尤著

黃海 明黃汝亨遊黃山記從三天門扶筇上是為海

予又曰黃海蓋雲極天界上下四方杳茫無辨似浮身海上稱黃山最勝處少頃登煉丹臺時落照弄晴白雲海中為翠為黛為巨浪為積雪為彩霞片片為金紫光為錦繡文百道千花幻出空界不可名狀歸而作看雲之歌

組雜班錯 明祝允明建康觀雲記以青以丹以黃以碧以緋以赤以蒼以紫以綠以素以組雜以班錯

雲壇 本朝陸隴其集漢唐宋風雷雨皆各壇以祭未

欽定四庫全書

元明事類抄

十五

嘗及雲明洪武二年詔風雲雷雨合為一壇

騎追雲 本朝王士禎池北偶談成化時翰林王公敕有仙術一日見白雲一片命騎追之雲落地化為石色如雪煮食之甚甘曰此雲母也

天孫妬 明屠隆五色雲賦大物矜炫變幻靡窮乍散乍合若淡若濃廓乎若啟宵乎若濛嗟此璀璨雕彼太素神乎巧哉天孫所妬何文章之綺靡恐大帝之是怒

如霧 元柳貫詩陳雨拂面來空雲稍如霧

野碓春雲 元周權詩溪深野碓自春雲

為賓 袁桶詩古樹不受米白雲為之賓

凍雲 高啟詩梁園雪早凍雲凝

風

禱風 姚燧集潘澤知宏州之南故山風為災公為

文以禱之自爾風災衰息

楊爵風 五朝注畧楊爵為御史以直諫逮詔獄平生

欽定四庫全書

元明事類鈔

十六

清介絕俗居獄中惟推演易義而已逮之日京城大

風人呼為楊爵風

只管有風 明太祖周顒仙傳周顒從行至皖城苦無

風問顒顒曰只管行只管有風無胆行便無風行不

三里果大風倏達小孤遂破友諒

旋風識火 明焦竑獻徵錄世宗南巡至衛輝白晝有

旋風遶駕不散上問陶仲文何祥對曰主火上命禳

之仲文曰火終不免第謹護聖躬耳是夜行宮果災

上僅以身免

海汎風 王世禎集倭舶之來恒在清明之後前乎此

風候不準清明後方多東北風且積久不變過五月

風自南來不利於行矣重陽後亦有東北者過十月

風自西北來亦非所利故防海者以三四月為大

汎九十月為小汎

好黔 明馮時可滇行紀畧舊志雨師好黔風伯好滇

風伯主穴 明王尚絅風穴賦序聞風氣之為天地之

欽定四庫全書

元明事類鈔

十七

號令也而汝州獨有穴又有所謂風伯者主之故又

有風伯廟春秋祈報祀饗靡闕而風時為虐余惑焉

八風詩 吳偉業八風詩序余消夏小園風瑯然而四

至雖泠泠可以析醒已疾而淒其怨號不能無爰居

之思避其庶人之雌風乎聊廣其意作為此詩

魚苗風 明袁宏道擢歌行四月魚苗風隨君到巴東

十月洗河水送君發揚子自注魚苗風洗河水皆長

年語

涼信 元熊鉉詩西風涼信入虛簷

揭花影 元陳樵臨花亭詩歌珠一串流鶯出花影數

重風揭開

雷電

擊小吏 元史至正中永興縣雷擊死糧房貼書尹章

於縣治時方大旱有朱書在其背云有旱却言無旱

無災却道有災未庸鐵厥渠魁且擊庭前小吏

震謹身殿 明徐禎卿剪勝野聞洪武中雷震謹身殿

欽定四庫全書

元明事類稿
卷一

帝親見火炎自空中下乃再拜曰上帝赦臣臣赦天

下

突烟雷 明陸深漫筆劉少師健為廢僚夏日奉命往

祀華山與客登高領見山下白霧瀾漫若大海而山

頂赤日方熾俯視突烟暴起或丈餘迤至尺許亦無

所聞頗異之及下山問人云適有驟雨挾雷數百已

過矣向所謂烟中突起者悉雷也

積沙書 談薈崇禎時雷擊余邑王家偶觸產室雷電

遂霽堦上有天書二子不孝他日重治八字體作行

書徑二尺餘似積沙成之洗濯不能去頃之自滅

繪梅花 耳談姑蘇韓某暑月坐堂中忽暴雷起繞柱

奮擊數刻始去堂上砌石上繪梅花一枝紋理精妍

雷神掣符 鄒漪啟崇野乘萬尊師以三吳旱崇於數

縣皆大雨道流竊語曰有雨無雷何止君方持請雨

勘合未及焚雷神就其手掣去大震擊死謗法者

紅色楷書 武林紀事洪武乙酉杭州吳山三茅觀雷

欽定四庫全書

元明事類稿
卷一

十九

擊白蜈蚣長尺餘有紅色楷書秦白起三字

手執綠斧 猶園雜記廣東人家風雨晦明中雷神落

地不得去赤髮猙獰頭如獼猴肉翅青手執綠玉斧

語其家急延正乙道士誦清淨經出我須臾誦畢騰

空而去

雷泉如願 明曹大章元君靈應記大章建碧霞君廟

於郊外日往薰修四明王生携一童子亦在頂禮白

日雷作攫童子離殿二三丈地烈為池碧綠連漪結

成雷泉如願四字硃書久乃漸減

四時雷電 明王世懋二酉委譚浮梁景德鎮天下窰器所聚余以分守至其地萬杵之聲殷其火光燭天令人不能寢戲目之曰四時雷電鎮

落電 明何景明雨詩樹明稍落電山暗轉奔雷

雨

雨核 元陶宗儀輟耕錄至正時杭州二州空中有物

若果核與雨雜下五色間錯破其實食之似松子仁

欽定四庫全書

元明事類彙編

皆曰婆娑樹子後紅巾來雨核之地悉被兵火

平章雨 元史王伯勝拜遠陽行中書省平章歲大旱

禱畢即雨人謂之平章雨

別駕雨 元史宇文公諒同知餘姚州夏不雨公諒出

禱輒應人頌之為別駕雨

着衣皆赤 元史元統二年正月朔雨血於汴梁着衣

皆赤

二羊開 元納新集元統間知樞密事薩都拉過龍門

峽見二羊開山椒間頃刻大雨泛溢人馬皆漂溺

雨木冰 輟耕錄順帝時雨木冰狀如樓閣人物鳥獸卉木俱偃高林大樹珠葆羽幢彌望不絕

獨不霑濕 本朝邵遠平元史類編王庸至孝母卒露處墓前旦夕悲號一夕雷雨暴至鄰人持寢席往蔽之見庸坐卧地獨不霑濕

菩薩線 元史至正三年三月彰德雨毛如線而綠俗

云菩薩線

欽定四庫全書

元明事類彙編

永隆雨 明興雅記洪武中吳僧永隆請焚身以救冒請之僧至雨花臺望闕拜辭取香餅書風調雨順四字語侍中曰煩語陛下以此祈雨必驗乃自焚時大早上命以所遺香至天僖寺禱雨夜雨大降上嘉曰此真永隆雨也別見僧

發矢約雨 明沈國元大事記滁州之柏子潭有龍祠水旱禱之輒應上因滁旱彎弓注矢立潭西祝曰吾與神約三日必雨連發三矢而還後三日果大雨

雨魚 明通紀嘉靖壬戌三月山東德州雨魚三日時

有詩云魚乃躍於淵何如降自天

侍郎雨 名世類苑永樂時浙江旱災上命王文安公

英往祀南鎮公至紹興即大雨田野沾足人皆喜曰

此侍郎雨也

紅黑雨 談薈俞震齋精五雷祈禱術同時有黃天元

亦能之洪武時閩大旱官召二人祈雨立東西二壇

分書朱墨二符私約曰吾二人雨當如其符色乃以

欽定四庫全書

元明事類抄

卷一

書符朱墨二硯分投水缸中須臾雨至一壇水黑一

壇水紅

天水 羅峴茶記云烹茶以泉水為佳如泉水不可得

則用天水秋雨為上梅雨次之秋雨冽而白梅雨醇

而白

瀉承 元趙文敏孟頫雨詩云蛛網懸珠絡荷盤瀉承

銀

梅月逢庚 元李孝光詩梅月逢庚江雨歇稻花迎午

水風涼

走干不靈 元馬臻詩雨久走干盡不靈

烟纖雨 元郭鈺詩江烟寒纖雨山鳥暝穿雲

癡雨 元張養浩久雨初霽詩癡雨歇簷滴頑雲開日

華

露

乾清露 宋漁膏露頌洪武二年冬膏露降於乾清宮

後苑蒼松之上光潤如酒凝結如珠肪白飴甘彌布

欽定四庫全書

元明事類抄

卷一

松柯

扭露飲 明金幼孜北征錄發靜鹵鎮人渴甚以衣於

草間且行且拽清露水扭出飲之

露如霜 元虞集詩天高露如霜客子衣盡白

霜

聚霜煮羹 元史赫魯事太祖西征在道絕汲晨起聚

草上霜煮羹以進問曰何從得水因告之故

寫霜景 明董其昌集畫家霜景與烟景清亂余未有

以易也丁亥冬燕山道上乃始悟之題詩驛樓云曉

角寒聲散柳堤千林雪色亞枝低行人不到邯鄲道

一種烟霜也自迷

繁霜是血 明戚繼光望闕臺詩繁雪盡是心頭血灑

向千峯木葉丹

霜片 明高啟詩月下凍痕生綠井隔簾霜片飛無影

雪

雪獵 元史朱德潤為鎮東行省提舉二月大雪英宗

欽定四庫全書

元明事類鈔
卷一

獵於柳林召見獻雪獵賦萬餘言

黑雪 元綱鑑大全順帝時湖廣雨黑雪

苦得勝字 元史類編呂徽之逃名以耕漁自給偶詣

人家易穀種值大雪聞閣中分韻作雪詩有得勝字

者苦吟弗就徽之不覺失笑諸貴遊方侮之因詢其

笑何謂徽之曰我意舉勝王蛺蝶事耳衆始嘆服邀

入座賦詩立就即去

祈雪 元史睿宗軍會於三峯山金人溝地立軍圍之

睿宗令軍中祈雪夜果大雪三尺溝中軍僵立刀槊

凍不能舉

暑雪 元劉郁西使記潮海地極寒雖酷暑雪不消

賦瑞雪 明閔文振仰山脞錄方孝孺少侍潛溪宋公

寓京師會大雪太祖宴羣臣命各為瑞雪賦宋公既

醉還邸屬孝孺賦朗晨進上上讀之曰此非卿輩詞

甚雄偉有用之才也

時玉 夏言集嘉靖乙未正月夜雪詰朝全霽上喜札

欽定四庫全書

元明事類鈔
卷一

諭禮官曰天賜時玉欲與卿等一見伏讀聖文以時

玉名雪實古今所未道恭擬賦一首

送雪 明周憲王送雪詩准脩煖金香盒子明朝送雪

與相知自注汴土風俗每歲遇雪初下則以小盒子

盛之送親知以為瑞或舉觴歡宴尤為宮中所尚焉

看雪墮松 王禕集宋景濂性疎曠或獨卧長林下看

晴雪墮松頂雪出沒巖扉間悠然自適

掬雪額面 宋濂集孫孝子惟中廬墓晨起無火掬雪